

**SOGN OG FJORDANE
BONDELAG**


Se mottakerliste nederst i dokumentet

Vår sakshandsamar
Merete Støfring
+47 95 94 74 37

Vår dato
17.01.2020
Dykkar dato

Vår referanse
15/00328-20
Dykkar referanse

Sal av mjølkekvarer - Korleis sikre produksjonsfordelinga ?

Styret i Sogn og Fjordane Bondelag drøfta i styremøte den 16. januar mellom anna responsen på den ekstraordinære utkjøpsordninga i mjølkeproduksjonen. I Vestland, og fleire andre regionar er det meldt inn ynskje om å selje eit mykje større volum enn det som er avtalt i ordninga. Vesentleg fleire vil selje kvote enn det som er planlagt kjøpt opp. Dette er eit signal om ei dårlegare tru på ei framtid i mjølkeproduksjonen i vår region enn elles i landet. Det at vi har dei minste mjølkeproduksjonskvotane kjem gjerne også til syn gjennom den responsen som no er komen i denne ekstraordinære runden.

I nokon få regionar med større driftseiningar er det endå ikkje er meldt inn ynskje om å selje sin del av volumet. Oppdatert statistikk frå Landbruksdirektoratet den 17. januar syner følgjande interesse for den ekstraordinære utkjøpsrunda:

Produksjonsregion	Mottatte påmeldinger 15. januar	Påmeldt mengde 15. januar (liter)	Avsatt oppkjøpsmengde i regionen (liter)	Differanse påmeldt og avsatt oppkjøpsmengde (liter)
Tidligere Østfold og Vestfold fylke	17	2 381 291	1 335 400	1 045 891
Oslo og tidligere Akershus fylke	16	2 096 832	750 474	1 346 358
Tidligere Hedmark fylke	19	1 754 639	2 300 691	-546 052
Tidligere Oppland fylke	55	3 826 932	4 468 140	-641 208
Tidligere Buskerud fylke	14	1 213 860	876 780	337 080
Tidligere Telemark fylke	8	559 204	366 344	192 860
Agder	33	2 853 355	1 256 136	1 597 219
Rogaland	59	5 145 107	7 139 073	-1 993 966
Vestland	122	8 387 776	4 892 498	3 495 278
Møre og Romsdal	56	5 396 844	3 667 115	1 729 729
Trøndelag	95	9 672 940	8 687 139	985 801
Nordland	35	3 259 964	2 779 210	480 754
Tidligere Troms fylke	16	1 769 166	915 551	853 615
Tidligere Finnmark fylke	3	540 351	565 447	-25 096
Totalt	548	48 858 261	40 000 000	

Bondelagets Servicekontor AS

Postadresse: Hafstadvegen 21 6800 FØRDE Sogn Og Fjordane Bondelag Bondelagets Servicekontor AS	Besøksadresse: Hafstadvegen 39 6800 FØRDE Org.nr.: 939678670 Org.nr.: 985063001 MVA	Tlf: 57837080 Bankkonto: 8101.05.12891 Bankkonto: 8101.05. 91392	E-post: sogn.fjordane@bondelaget.no Internett: http://www.bondelaget.no/sognogfjordane/
--	--	--	---

Med utgangspunkt i desse tala er vi uroa for den geografiske produksjonsfordelinga på mjølk framover. Sogn og Fjordane Bondelag oppfordrar Norges Bondelag til å gå i dialog med Staten om den pågående utkjøpsordninga, med mål om å gjere følgjande endringar:

- Svært viktig at vi framleis held på den relative delen av mjølkeproduksjonen i kvart kvoteområde. I kvoteområder som ikkje fyller sin del av utkjøpsordninga, blir utkjøpsordninga forlenga inn til ein har fylt opp sin del av utkjøpsordninga. Det betyr at det ikkje blir opna for "vanleg" kjøp og sal av kvote i dei områda dette gjeld, i praksis kan dette få konsekvensar for heile 2020 og 2021.
- I kvoteområder med eit ynskje om sal som overstig avtalt volum i utkjøpsordninga kjøper Staten heile volumet som er meldt inn for sal. Volum utover det kvart kvoteområde er pålagt i utkjøpsordninga vert seld ut igjen til dei mjølkebøndene som er att til den pris som Staten har kjøpt opp kvoten for. I Vestland vil ein då kunne kjøpe kvote frå Staten for 12,50. Dette som eit alternativ/tillegg til å leige ut kvoten slik Ministeren skisserer i Nationen torsdag 16.01.
- Styret i Sogn og Fjordane Bondelag oppfordrar samstundes Norges Bondelag til å få staten med på eit målretta sal anten til:
 - a) Dei som har fått investeringstilskot med IN siste 5 år og har under 200 000 liter i mjølkekvote.
 - b) Dei som har under 200 000 liter i mjølkekvote

Avgjerande viktig for verdiskaping og arealbruk i distrikta

Det er svært viktig at vi klarar å oppretthalde den relative delen av verdiskapinga innan mjølk i kvart enkelt kvoteområde. Klarar vi ikkje dette, vil vi svekke dei områda som har svakast utvikling. Dette fører til at areal går ut av drift i dei svakaste områda. Dette fordi det i mange tilfelle ikkje er reelle alternative produksjonar.

Dei fleste av dei som har meldt inn kvote for sal har vore gjennom ein prosess og teke avgjerda om å selje. Dei som har meldt inn etter volumavgrensinga kjem i ei stor uviss kring kor tid dei vil få seld kvoten og til kva reglar som gjeld. Dette skapar unødvendig utryggleik og unødvendig debatt. Sett med auga til styret i Sogn og Fjordane Bondelag, vil det mest logiske vere at staten sel ut igjen den kvoten som er over vedteken volumavgrensing i kvar region. Eit målretta sal til dei mindre mjølkeprodusentane vil også vere eit skikkeleg klapp på skuldra til dei som har tenkt å investere eller vil investere, og har for lite ressursar i utgangspunktet.

Det er særskilt viktig å oppretthalde regionen sin relative del av mjølkeproduksjonen på nasjonalt plan. Dette for å oppretthalde næringsutviklinga rundt om i bygdene, men også for å sikre tilstrekkeleg råvaretilgang til Tine sine anlegg i regionen. Næringsmiddelverksemidene er svært viktige for regionen. Ikkje berre fordi her er mange arbeidsplassar, men også fordi dei er grunnsteinar for næringa og distriktsutviklinga i området. Ved for lite råvaretilgang vil ein fort ikkje bli prioritert av eigarane sine, og regionen Vestland kan bli tapande i høve delar av landet med enklare forhold for grasbasert landbruksproduksjon.

Med venleg helsing

*Anders Felde
Fylkesleiar*

Merete Støfring

Mottaker	Kontaktperson	Adresse	Post
Ledelse		Postboks 9354 Grønland	0135 OSLO
Næringspolitisk		Postboks 9354 Grønland	0135 OSLO
Næringspolitisk	Anders Huus	Postboks 9354 Grønland	0135 OSLO